



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

c. 16. Inquisitores.

urn:nbn:de:hbz:466:1-13589

Ad hec, Iudæi non modo recipiuntur in testes ad
uersus Christianos, eo modo quo proximè dictū est,
sed etiam multo magis aduersus Iudæos nō baptiza
tos, in omnibus illis casibus, in quibus ad iurisdic
tionem Inquisitorū pertinere noscuntur: id quod longa
probatione non indiget: nam si ob fidei fauorem nō
profiunt sua priuilegia Christianis, quo minus testi
monio infidelium vrgeantur, nec proderunt infidelib.

Qui sint autem casus, in quibus Iudæi nunquam
baptizati Inquisitorū potestate supponuntur, tradit
Eymericus. l. p. q. 44. 45. & 46. Repertoriū Inqui
sitorum verbo, Iudæus. Campegius ad Zanchinum,
c. 26. vers. delinquunt circa fidem eorum. eleganter
beatus Thom. 2. 2. q. 10. art. 8. ibi: Sunt tamen cō
pellendi a fidelibus, si ad sit facultas, vt fidem nō
impediant, vel blasphemijs, vel malis persuasio
nibus, vel etiam apertis persecutionibus. Hæc ille.
Quib. verbis amplissime complexus est in genere uir
sanctus omnem causam ob quam possunt Inquisito
res in Iudæos animaduertere.

Verumtamen ne res controuersa amplius in du
bium uerteretur, Sanctissimus Dominus noster Gre
gorius. XIII. Statuto quodam incipiente: Antiqua
Iudæorum. edito anno Domini 1581. (Calen. Iunij,
nominatim decreuit blasphemias, & flagitia Iudæo
rum, in que hereticæ prauitatis inquisitores anima
dierunt. Id statutum in fine Directorij inter alias
litteras Apostolicas curauimus imprimendum.

An autem cum Iudæi vel alij infideles testifica
tur aduersus catholicum, perinde sit de illis iudicā
dum, ac de testib. alijs integris, quorum duo plenam
faciunt probationem, grauis est quæstio, quam non
parit huius commentarijs breuitas. Reijciam eam
in 3. p. q. 64. ubi est proprius locus. Videto interim
Palacium Rubinum in allegatione de heresi. §. 15.
Aretinum in c. fi. de testibus. Albertinū de agnos.
assertio. q. 34. num. 3. & seq. ceteros præcitato loco
apud Eymericum referam.

Denique illud mouere oportet, ut quando Iudæus
admittitur in testem, iuret de dicenda veritate nō
super Euangelia, quibus non credit, sed super legem
suam. ita Io. in. de Imola in Clemen. 1. de testi. &
Antonius Butrius in proemio Decretalium. Qua
lis autem sit eius iuramenti forma, tradit. Specul.
tit. de iuramen. calum. §. restat. versi. penul. sed me
lius Repertorium Inquisitorum, verbo, iuramen
tum. §. sequitur videre. & sequen.

Idem.

Non confiscantur dotes vxorum innocentium, pro
pter heresim maritorum. hoc dicit, secundū Zenze.

C A P. XLII.

DECREUIT † felicis recordationis In
nocentius Papa quartus, quod propter
heresim maritorum, vxorum Catholi
carum dotes non debeant confiscari. Quod in
telligendum fore censemus: nisi fortè mulieres
ipsæ cum uiris matrimonia contraxissent, quos
hereticos tunc sciebant.

Idem.

Filij hereticorum vsque ad secundam lineam pa
ternam, ad primam uero maternam sunt inhabiles
ad beneficiū Ecclesiasticum, vel officium seculare;
si patres ante mortem Ecclesie reincorporati non
fuerint. hoc dicit, secundum Domi.

C A P. XV.

STATVTVM † felicis recordationis In
nocentij, & Alexandri prædecessorum
nostrorum: ne uidelicet heretici, crede
tes receptatores, defensores, & fautores eorum,
ipsorumque Filij usque ad secundam generatio
nem ad aliquod beneficiū Ecclesiasticum, seu
publicum officium admittantur: quod si secus
actum fuerit, sit irritum, & inane. primū, & se
cundum gradum per paternam lineam comprē
hendere declaramus; per maternam uero ad pri
mum duntaxat uolumus hoc extendi. Hoc sanè
de filijs & nepotibus hereticorum, credentium,
& aliorum huiusmodi, qui tales esse vel tales etiā
decessisse probantur, intelligendum esse uidetur
non autem illorum, quos emendatos esse consti
terit, & reincorporatos Ecclesie unitati, & pro
culpa huiusmodi ad mandatum Ecclesie pœni
tentiam recepisse: quam ipsi vel iam perfecerit
vel humiliter prosecutioni eius insistant, vel pa
rati fuerint ad recipendam eandem.

Idem.

Inquisitor Papæ super heresi sine speciali mada
to non inquit cōtra episcopum: sed si eum culpabi
lem sciuerit, nunciabit Papæ. hoc dicit. Io. And.

C A P. XVI.

INQUISITORES † hereticæ prauitatis,
ab Apostolica Sede seu alio vel alijs qui
buslibet deputati, de huiusmodi crimi
ne inquirere contra Episcopos nequeūt, aut eius
textu procedere contra eos: Nisi in litteris com
missionis Apostolicæ, quod hoc possint, contineā
tur expresse. Si tamen Inquisitores ipsi, Episco
pos, vel alios superiores prelatos sciuerint, vel in
uenerint circa crimen hereseos commississe, aut
eos de hoc diffamatos existere vel suspectos, id te
nebuntur sedi Apostolicæ nuntiare.

Idem.

Non derogatur ordinarijs super processu heretico
rum. licet Papa generaliter alteri deleget. Et sup eo
dem facto episcopus, & Inquisitor possunt procede
re communiter vel diuisim, uel proferre sententiam
in qua si discordant, debent Papæ referre. Et episco
pi qualitercunque procedant, debent seruare modum
Inquisitoribus impositum. hoc dicit. Domi.

C A P. XVII.

PER hoc, † quod negotium hereticæ pra
uitatis alicui uel aliquib. ab Apostolica
sede generaliter in aliqua prouincia, ci
uitate, vel diocesi delegatur, diocesani episco
pis,

† Eym. 3. p. q.
114. 115. & di
xii bid. plenif
sime.

† Vide Eym.
1. p. q. 26. 27.
30. & dixi ibi
dem copiose

† Hæc decre
talis declara
tur per extra
uag. Ex co. u.
de hæc. quæ
paulo post in
teritur.